



Broj: 12/08-23-11773-URŽ-4/20
Zenica, 04.12.2020.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o ponovnom pregledu i ocjeni ponuda, broj: 12/08-23-11773- URŽ-3/20, od 02.12.2020. godine, u otvorenom postupku javne nabavke za radove broj: 1417-1-3-29-3-15/20 od 13.07.2020. godine, Ministarstvo za prostorno uređenje, promet i komunikacije i zaštitu okoline Zeničko-dobojskog kantona – Kantonalna direkcija za ceste, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Sanacija i rehabilitacija regionalne ceste R443 Visoko-Kiseljak (granica kantona), od Gradskih grobalja prema Bucima” broj: 1417-1-3-29-3-15/20 od 13.07.2020. godine, ponuda ponuđača „JATA GROUP“ d.o.o. Srebrenik (broj: 01-96/20 od 18.08.2020. godine) sa ukupno ponudenom cijenom od 329.546,00 KM (bez uračunatog PDV-a) izabrana je kao najpovoljnija.

II

Ponuđač „ JATA Group“ d.o.o. Srebrenik (ID broj: 4209264220000), adresa Potpeć bb, 75350 Srebrenik, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača. Ugovorni organ će odbaciti ponudu izabranog ponuđača u slučaju da propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će Okvirni sporazum sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponuda ponuđača „TUZLIĆ“ d.o.o. Breza se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-11773/20 od 13.07.2020. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-29-3-15/20 objavljeno je na Portalu javnih nabavki 13.07.2020. godine.

Komisija za javne nabavke imenovana rješenjem broj: 12/08-23-11773-3/20 od 12.08.2020. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristiglo je 5 (pet) ponuda.

U periodu od 10.11.2020. godine do 23.11.2020. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača TUZLIĆ d.o.o Breza se odbacuje jer nije dostavljena u skladu sa uslovima iz tenderske dokumentacije.

Tačkom 12.6. TD je traženo da ponuđači, shodno članu 51. ZJN BiH, dokažu da imaju: "uspješno iskustvo u realizaciji najmanje jednog ugovora na izgradnji, rekonstrukciji ili sanaciji javnih cesta, minimalne vrijednosti 400.000,00 KM, u posljednje 3 (tri) godine (2017., 2018. i 2019.) ili od datuma registracije, odnosno početka poslovanja, ako je ponuđač registrovan odnosno počeo sa radom prije manje od 3 (tri) godine, u svojstvu nosioca ugovora ili lidera grupe ponuđača".

Tačkom 12.7. TD je određeno da će se ocjena tehničke i profesionalne sposobnosti ponuđača izvršiti na osnovu slijedećih izvjava i dokumenata koje dostave ponuđači: "Spisak izvršenih ugovora iz oblasti izgradnje, rekonstrukcije ili sanacije javnih cesta, koji su realizovani u posljednje u posljednje 3 (tri) godine (2017., 2018. i 2019.) ili od datuma registracije, odnosno početka poslovanja, ako je ponuđač registrovan odnosno počeo s radom prije manje od 3 (tri) godine. Spisak mora sadržavati naziv i sjedište ugovornih strana, predmet ugovora, vrijednost ugovora, godinu ugovora. Uz spisak izvršenih ugovora dostaviti potvrde naručioca o uspješno izvedenim radovima - izgradnje, rekonstrukcije ili sanacije javnih cesta, za najmanje jedan ugovor minimalne vrijednosti 400.000,00 KM, u posljednje 3 (tri) godine. Potvrde minimalno moraju sadržavati: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, navode o uredno izvršenim radovima iz ugovora. Potvrde se dostavljaju u originalu ili ovjerenoj kopiji".

Na strani 33/46 Ponude ponuđač Tuzlić d.o.o. Breza je dostavio dokument pod nazivom "Potvrda o uspješno realizovanom ugovoru" br: 01-879/20 od 19.05.2020. godine, izdata od strane Općine Travnik, kojom se potvrđuje da je ponuđač Tuzlić d.o.o. Breza uspješno realizovao ugovor vrijednosti 358.104,00 KM bez uračunatog PDV-a.

Imajući u vidu utvrđene činjenice, kao i stavove navedene u Rješenju URŽ-a, broj: JN2-03-07-1-2628-8/20 od 29.10.2020. godine, konstatuje se da ponuđač Tuzlić d.o.o. Breza nije ispunio postavljeni uslov iz tačke 12.6.1.a) i 12.7. Tenderske dokumentacije jer nije dostavio traženi dokaz da je uspješno realizovao jedan ugovor minimalne vrijednosti 400.000,00 KM. Činjenica je da je na potvrdi navedeno da je vrijednost izvršenog ugovora 358.104,00 KM bez PDV-a, ali s obzirom da se procijenjena vrijednost utvrđuje bez PDV-a, da se srazmjernost traženih uslova posmatra u odnosu na procijenjenu vrijednost javne nabavke zaključuje se da je ponuđač bio dužan dokazati da je imao uspješno iskustvo u realizaciji jednog ugovora u minimalnoj vrijednosti od 400.000,00 KM bez PDV-a.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponuđača Tuzlić d.o.o. Breza se odbacuje, jer nije potpuna i ne ispunjava zahtjeve iz tenderske dokumentacije.

Ostale pristigle ponude, odnosno ponuda Grupe ponuđača: „ADO-TRANS“ d.o.o. Visoko, „Braća Mujić export-import“ d.o.o. Ilidža i „BETON FRESH“ d.o.o. Ilidža, zatim ponuda Grupe ponuđača: „MGV Gradnja“ d.o.o. Zavidovići i „Teling“ d.o.o. Travnik, te ponuda ponuđača „TRGOŠPED“ d.o.o. Kakanj i ponuda ponuđača „JATA GROUP“ d.o.o. Srebrenik, ispunjavaju postavljene uslove, te je Agencija za javne nabavke BiH ponovo zakazala provođenje e-aukcije za 30.11.2020. godine, sa početkom u 11:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponuđač	Ukupna cijena ponude bez PDV-a
1.	„JATA GROUP“ d.o.o. Srebrenik	329.546,00 KM
2.	Grupa ponuđača: „ADO-TRANS“ d.o.o. Visoko, „Braća Mujić export-import“ d.o.o. Ilidža i „BETON FRESH“ d.o.o. Ilidža	330.000,00 KM
3.	Grupa ponuđača: „MGV Gradnja“ d.o.o. Zavidovići i „Teling“ d.o.o. Travnik	455.381,98 KM
4.	„TRGOŠPED“ d.o.o. Kakanj	455.519,96 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „JATA GROUP“ d.o.o. Srebrenik. Ugovorni organ prihvatio je preporuku Komisije za javne nabavke da se najpovoljnijem ponuđaču, „JATA GROUP“ d.o.o. Srebrenik, dodijeli Okvirni sporazum za „Sanaciju i rehabilitaciju regionalne ceste R443 Visoko-Kiseljak (granica kantona), od Gradskih grobalja prema Bucima“. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o ponovnom pregledu i ocjeni ponuda

Dostavljeno:

5 x svim ponuđačima,
1 x a/a



DIREKTOR
po ovlaštenju ministra

(Rasim Kovač)


Saglasan: **ARNEL ISAK, ministar**

Obradio:
Elmedin Bašić